

呂純陽祖師性功秘旨自序

慨夫人自成形以後喪失元來將身中至寶日耗日消輪
迴不已極而至於無可救之鄉日消日滅天地因之否塞
莫可挽轉是則生人大劫之數實則先達佛聖仙真提醒
而人不識提醒之咎也在世人淪於劫中雖莫知所返而
存度世之心者不忍不提之再醒之三也予膺闡教之任
廣設壇宇欲度眾生出於苦海而大眾茫茫莫知其由又
不忍坐視其迷而不爲之覺悟耳但覺悟之心在仙而未
覺未悟之迷在凡是所賴於通仙而化凡者有其人也故
性功一書授之

道藏輯要

卷六

純陽三書序

室集八

太上奏之

三天遵之三師

鍾離真

屢欲以此化導凡間指示有緣無奈傳宣未得純

正之是以秘而不宣者亦已多年今因良緣在卽地仙

昇舉疏章屢聞各具保奏

勅令伏真壇內奉道范子持真掌錄乩案專傳性功命功一

切法寶以引導緣內之子代

太上廣慈悲之路是以斯書彙成一集分爲二十段以盡性功
之秘旨爲成仙之寶筏第是書既播於凡塵知而不秘者
與夫知而不行者以及得而妄授於人不稟命

天庭者一一皆有律例受是書者貴珍而秘之於密處貴體而
行之於十二時貴遵而布之上告之於
三天然後人已兩成後果有得凡在吾玄下者各宜欽之重之
是爲序

旨

大清康熙癸未歲孟冬吉日純陽子書

道藏輯要

卷六

純陽子書序

二

室集八

